

REPUBLIKA E KOSOVËS - REPUBLIKA KOSOVA - REPUBLIC OF KOSOVO KUVENDI I REPUBLIKËS SË KOSOVËS SKUPSTINA REPUBLIKE KOSOVA ASSEMBLY OF REPUBLIC OF KOSOVO Zyra për Propozime dhe Parashitje - Kancelaria për Propozime dhe Parashitje - Table Office	
Nr. Prot. Br. Prot. Prot. No.: <b>07/739 /L-012</b>	Data Datum Date: <b>17.08.2020</b>
Nr. i faqeve Broj stranica No. pages:	
PRISHTINË - PRIŠTINA - PRISTINA	



REPUBLIKA E KOSOVËS - REPUBLIKA KOSOVA - REPUBLIC OF KOSOVO QEVERIA E KOSOVËS - VLADA KOSOVA - GOVERNMENT OF KOSOVO ZYRA E KRYEMINISTRIT - UREDI PREMIERIA - OFFICE OF THE PRIME MINISTER SEKTORI I ARKIVËS - SEKTOR ARCHIVE - ARCHIVE SECTOR	
Niveli Org. Organizimi Org. Unit: <b>02.1.a</b>	N. Prot. Br. Prot. Prot. No.: <b>1074/6</b>
Nr. i faqeve Broj stranica No. pages: <b>Po</b>	Data Datum Date: <b>17 08 /2020</b>
Prishtinë/a	

**Republika e Kosovës**  
**Republika Kosova - Republic of Kosovo**  
**Qeveria - Vlada - Government**  
**Zyra e Kryeministrit - Ured Premijera - Office of the Prime Minister**  
**Sekretari i Përgjithshëm - Generalni Sekretar - Secretary General**

Datë, 14 gusht 2020  
 Ref: 99/2020

**Për:** Z. Ismet KRASNIQI, Sekretar i Kuvendit të Republikës së Kosovës

**Tema:** Procedimi i materialit në Kuvend

I nderuar z. Sekretar,

Në përputhje me procedurën e parashikuar me Rregulloren e Punës së Qeverisë së Republikës së Kosovës Nr. 09/2011, Rregulloren Nr.13/2013 për Shërbimin Ligjor Qeveritar, nenin 53 pika 3 të Rregullorës së Kuvendit të Republikës së Kosovës, Qeveria e Republikës së Kosovës, në pajtim me Përfundimin e Kuvendit të Republikës së Kosovës nr. 07 -P-056 të datës 06.07.2020, jep mendim lidhur me nismën Legjislative për Projektligjin për ndryshimin dhe plotësimin e Ligjit Nr.03/L-073 për zgjedhjet e përgjithshme në Republikën e Kosovës i ndryshuar dhe plotësuar me Ligjin Nr.03/L-256.

Bashkëngjitur gjeni poashtu Vendimin e Qeverisë së Republikës së Kosovës Nr. 03/24 të datës 14 gusht 2020.

Për informata dhe sqarime shtesë, si gjithnjë qëndrojmë në dispozicionin tuaj.

Me respekt,

Fitim Krasniqi  
 Sekretar i Përgjithshëm



**Republika e Kosovës**  
**Republika Kosova - Republic of Kosovo**  
*Qeveria - Vlada - Government*

---

Nr. 03/24  
Datë: 14.08.2020

Në mbështetje të nenit 92 paragrafi 4. dhe të nenit 93 paragrafi (4) të Kushtetutës së Republikës së Kosovës, duke u bazuar në nenin 4 të Rregullores Nr.06/2020 për Fushat e Përgjegjesisë Administrative të Zyrës së Kryeministrit dhe Ministrive, e ndryshuar dhe e plotësuar me Rregulloren Nr.07/2020, në pajtim me nenin 17 dhe 19 të Rregullores së Punës së Qeverisë së Republikës së Kosovës Nr. 09/2011, Qeveria e Republikës së Kosovës, në mbledhjen e mbajtur më 14 gusht 2020, merr këtë:

**V E N D I M**

1. Qeveria e Republikës së Kosovës, në pajtim me Përfundimin e Kuvendit të Republikës së Kosovës nr. 07 -P-056 të datës 06.07.2020, jep mendim lidhur me nismën Legjislative për Projektligjin për ndryshimin dhe plotësimin e Ligjit Nr.03/L-073 për zgjedhjet e përgjithshme në Republikën e Kosovës i ndryshuar dhe plotësuar me Ligjin Nr.03/L-256.
2. Qeveria e Republikës së Kosovës e vlerëson nismën legislative të iniciuar nga deputetët propozues të Kuvendit të Republikës së Kosovës për miratimin e Projektligjit për ndryshimin dhe plotësimin e Ligjit Nr.03/L-073 për zgjedhjet e përgjithshme në Republikën e Kosovës i ndryshuar dhe plotësuar me Ligjin Nr.03/L-256, megjithatë e konsideron si jo të plotë për të përmirësuar procesin dhe procedurat e organizimit të zgjedhjeve në Kosovë.
3. Qeveria e Kosovës konsideron se nisma e tillë legislative duhet të adresoj të gjitha çështjet që janë identifikuar si parregullsi gjatë monitorimit të proceseve zgjedhore nga organizatat monitoruese ndërkombëtare dhe vendore.
4. Çështjet e tilla që duhet adresuar:
  - 4.1. **Mbrojtja e të drejtave zgjedhore:**
    - 4.1.1. Sigurimi ligjor dhe kushtetues për kërkesat e kandidatëve për t'u kualifikuar pas vendimit të Gjykatës Supreme për de-certifikimin e kandidatëve;
    - 4.1.2. Qartësimi i kapitullit për ankesat në lidhje me afatet dhe përmbajtjen e nevojshme të ankesave;
    - 4.1.3. Afatet për paraqitjen e ankesave në zgjedhje duhet të zgjasin deri në 48 orë dhe afatet kohore për PZAP për të vendosur mbi ankesat kundër rezultateve të zgjatura deri në 5 ditë;
    - 4.1.4. Ndryshimet ligjore që u mundësojnë PZAP dhe Gjykatës Supreme publikimin në kohën e duhur të parashtrësive, ankesave dhe vendimet në faqet e tyre të internetit;
    - 4.1.5. Të mundësohet hapja e degëve të PZAP-së në shtatë (7) rajone gjatë procesit të zgjedhjeve.

#### 4.2. Administrimi i zgjedhjeve

- 4.2.1. Të zgjatet afati për të paraqitur listën e votuesve dhe periudha e kontestimit, për aplikacionet për votim të personave me nevoja të veçanta, për regjistrim dhe votim jashtë Kosovës, dhe për caktimin e vendvotimit;
- 4.2.2. Të mundësohen afate kohore më të gjata dhe masa shtesë mbrojtëse, në mënyrë që të përmirësohet përfshirja integriteti i procesit të votimit jashtë Kosovës;
- 4.2.3. Të bëhen pjesë përmbajtjesore e ligjit rregullat themelore zgjedhore që aktualisht janë të përcaktuara në rregulloret e KQZ-së, p.sh. për funksionimin e Qendrës Numërimit dhe Rezultateve, rregullat për rinumërim dhe anulime etj.

#### 4.3. Fushata


- 4.3.1. Rregullat e fushatës lidhur me njoftimin dhe organizimin e ngjarjeve politike, rregullat për postime zgjedhore dhe rregullat për përfshirjen e nëpunësve civilë në fushatat zgjedhore duhet të zhvillohen më tej në LZP;
- 4.3.2. Të përcaktohen afate, ku jo më vonë se 30 ditë pas ditës së zgjedhjeve, pjesëmarrësit në zgjedhje duhet të paraqesin raporte financiare.

#### 4.4. Media

- 4.4.1. Duhet marrë në konsideratë rregullimin e programeve të sponsorizuara nga partitë politike ngjashëm me spotet reklamuese politike me pagesë.

5. Vendimi bashkë me tekstin e mendimit nga pika 1. e këtij vendimi i procedohet Kuvendit të Republikës së Kosovës.
6. Vendimi hyn në fuqi ditën e nënshkrimit.

Avdullah HOTI



---

Kryeministër i Republikës së Kosovës

#### Iu dërgohet:

- Zëvendëskryeministrave
- të gjitha ministrive (ministrave)
- Sekretarit të Përgjithshëm të ZKM-ës
- Arkivit të Qeverisë